

四庫全書

史部

欽定四庫全書

史部

逸周書卷一至四

詳校官編修_臣李潢

編修_臣裴謙覆勘

總校官庶吉士_臣倉聖脉

校對官中書_臣王家賓

謄錄監生_臣范鍾

欽定四庫全書

史部四

逸周書

別史類

提要

臣等謹案逸周書十卷舊本題曰汲冢周書
考隋經籍志唐藝文志俱稱此書以晉太康
二年得於魏安釐王冢中則汲冢之說其來
已久然晉書武帝紀及荀勗束皙傳載汲郡
人不準所得竹書七十五篇具有篇名無所

謂周書杜預春秋集解後序載汲冢諸書亦
不列周書之目是周書不出汲冢也攷漢書
藝文志先有周書七十一篇今本比班固所
紀惟少一篇陳振孫書錄解題稱凡七十篇
叙一篇在其末京口刊本始以序散入諸篇
則篇數仍七十有一與漢志合司馬遷紀武
王克商事亦與此書相應許慎作說文引周
書大翰若翬雉又引周書獬有爪而不敢以

概馬融注論語引周書月令鄭康成注周禮
引周書王會注儀禮引周書北唐以間皆在
汲冢前知為漢代相傳之舊李善文選注所
引皆稱逸周書知唐初舊本尚不題汲冢其
相沿稱為汲冢者殆以梁任昉得竹簡漆書
不能辨識以示劉顯顯識為孔子刪書之餘
其時南史未出流傳不審遂誤合汲冢竹簡
為一事而修隋志者誤采之耶文獻通考所

引李燾跋及劉克莊後村詩話皆以為漢時
本有此書其後稍隱賴汲冢竹簡出乃得復
顯是又心知其非而巧為調停之說惟舊本
載嘉定十五年丁黼跋反覆考証確以為不
出汲冢斯定論矣其書載有太子晉事則當
成于靈王以後所云文王受命稱王武王周
公私計東伐俘馘殷遺暴殄原獸輦括寶玉
動至億萬三發下車懸紂首太白又用之南

郊皆古人必無之事陳振孫以為戰國後人所為似非無見然左傳引周志勇則犯上不登於明堂又引書慎始而敬終不困又引書居安思危又稱周作九刑其文皆在今書中則春秋時已有之特戰國以後又輾轉附益故其言頗駁雜耳究厥本始終為三代之遺文不可廢也近代所行之本皆闕程寤秦陰九政九開劉法文開保開八繁箕子耆德月

合十一篇餘亦文多佚脫今考史記楚世家
引周書欲起無先主父偃傳引周書安危在
出令存亡在所命貨殖傳引周書農不出則
乏其食工不出則乏其事商不出則三寶絕
虞不出則財匱少漢書引周書無為權首將
受其咎又引周書天子不取反受其咎唐六
典引周書湯放桀大會諸侯取天子之璽置
天子之座今本皆無之蓋皆所佚十一篇之

文也觀李燾所跋已有脫爛難讀之語則宋
本已然矣乾隆四十四年正月恭校上

總纂官

臣紀昀

臣

陸錫熊

臣

孫士毅

總校官

臣

陸

費

墀

逸周書序

昔在文王商紂並立困于虐政將弘道以弼無道作度
訓殷人作教民不知極將明道極以移其俗作命訓紂
作淫亂民散無性冒常文王意和化服之作常訓上失
其道民散無紀西伯修仁明耻示教作文酌上失其道
民失其業闕 凶年作糴匡文王立西距昆夷北備獫
狁謀武以昭威懷作武稱武以禁暴文以綏德大聖允
兼作允文武有七德文王作大武大明武小明武三篇

穆王遭大荒謀救患分災

闕

大匡

此有脫簡

作九開文王唯庶邦之多難論典以匡謬作劉法文
王卿士諗發教禁戒作文開維美公命于文王修身觀
天以謀商難作保開文王訓乎武王以繁害之戒作八
繁文王在艷命周公謀商難作艷保文啓謀乎後嗣以
脩身敬戒作大開小開二篇文王有疾告武王以民之
多變作文倣文王告武王以序德之行作文傳文王既

沒武王嗣位告周公禁五戒作棗武王忌商周公勤
天下作大小開武二篇武王評周公維道以為寶作寶
典商謀啓平周周人將興師以承之作艷謀武王將起
師伐商寤有商傲作寤傲周將伐商順天革命申喻武
義以訓乎民作武順武穆二篇武王將行大事乎商郊
乃明德闕衆作和寤武寤二篇武王率六州之兵車三
百五十乘以滅殷作尅殷武王作尅商建三監以救其
民為之訓範此有脫簡

武王既釋箕子囚俾民辟

寧之以王作箕子武王秉天下論德施

闕

而

闕

位以官

作者德武王命商王之諸侯綏定厥邦申義告之作商
誓武王平商維定保天室規擬伊洛作度邑武王有疾

此有
脫簡

命周公輔小子告以正

要作五權武王既沒成王元年周公忌商之孽訓敬命
作成開周公既誅三監乃述武王之志建都伊洛作作
洛周公會羣臣于閼門以輔主之格言作皇門周公陳

武王之言以贊已言戒乎成王作大戒周公正三統之義作周月辨二十四氣之應以明天時作時訓周公制十二月賦政之法作月令周公肇制文王之謚義以垂于後作謚法周公將致政成王朝諸侯於明堂作明堂成王既即政因嘗麥以語羣臣而求助作嘗麥周公為太師告成王以五徵則作本典成王訪周公以民事周公陳六徵以觀察之作官人周室既寧八方會同各以其職來獻欲垂法厥後作王會周公云歿王制將衰穆

王因祭祖不豫詢某守位作祭公穆王思保位惟難恐
貽世羞欲自警悟作史記王化雖弛天命方永四夷八
蠻攸尊王政作職方芮伯稽古作訓納王于善暨執政
小臣咸省厥躬作芮良夫晉侯尚力侵我王略叔向聞
儲幼而果賢闕復王位作太子晉王者德以飾躬用為
所佩夏多罪湯將放之徵前事以戒後王也作殷祝民
非后罔乂后非民罔與為邦慎政在微作周祝武以靖
亂非直不尅作武紀積習生常不可不慎作銓法車服

制度明不苟踰作器服周道於乎大備

欽定四庫全書

逸周書卷一

晉孔晁注

度訓解第十

天生民而制其度

聖人為制法度

度小大以正權輕重以極明

本末以立中

制法度所以立中正

以補損補損以知足

損益以中

為制故

關爵以明等極

極中也貴賤之

極以正民正中

外以成命

內外正則大命成也

正上下以順政

順其政教

政以內

自邇彌興自遠遠邇備極終也

關微補在關

在明

知精闢
微分理有明故

明王是以敬微而順分分次以知

和知和以知樂知樂以知哀哀樂以知慧內外以知人

慧者甚明
所以知人

凡民生而有好有惡小得其所好則喜大得

其所好則樂小遭其所惡則憂大遭其所惡則哀

言其性之

自然凡民之所好惡生物是好死物是惡民至有好而不

讓不從其所好必犯法無以事上

不必讓則爭
爭則犯法矣

民至有

惡不讓不去其所惡必犯法無以事上徧行於此尚有

頑民而況曰以可去其惡而得其所好民能居乎

徧為
兼行

好惡也能居乎言不能居好也若不闕力何以求之言力爭也力爭則力政

力政則無讓無讓則無禮無禮雖得所好民樂乎爭則不樂

若不樂乃所惡也凡民不忍好惡不能分次忍為持久堅以次第

不次則奪奪則戰戰則何以養老幼何以救痛疾死喪

何以胥役也胥相也明王是以極等以斷好惡教民次分

闕揚舉力竟任壯養老長幼有報壯者任之老者養之幼者長之使相報此謂力

也民是以胥役也夫力竟非衆不尅衆非和不衆和之以懷

衆和非中不立中非禮不慎禮非樂不履明王是以無

樂非人無哀非人

言明王所樂所哀非人也

人是以衆人衆賞多罰

少政之美也罰多賞少政之惡也罰多則困賞多則乏

乏因無醜教乃不至

醜謂所厚

是故民主明醜以長子孫子

孫習服鳥獸仁德

歸其仁德

土宜天時百物行治

土之所宜天時所生

皆行其物

治之初麋初哉治化則順是故無順非厲

明醜以

以成順者也

長幼成而生曰順極

言使小人大人皆成其事上之心而生其義順之至

命訓解第二

天生民而成大命

賢愚自然之性命也

命司德正之以禍福

司主也以

德為主有德正以福無德正以禍然

立明王以順之

順天作故

曰大命有常小

命日成成則敬有常則廣廣以敬命則度至于極

日成日進

也如有則其人法度至中正也

夫司德司義而賜之福祿福祿在人能

無懲乎若懲而悔過則度至于極

懲止也以德居身深術息其義

夫或

司不義而降之禍在人能無懲乎若懲而悔過則度至

于極夫民生而醜不明無以明之能無醜乎若有醜而

競行不醜則度至于極

不謂醜者若道上為君

天民生而樂生無

以穀之能無勸乎若勸之以忠則度至于極

穀善也謂忠信也

夫民生而惡死無以畏之能無恐乎若恐而承教則度

至于極

以死生恐民使奉上易教也

六極既通六間具塞

六中之道通則六間

塞矣通道通天以正人正人莫如有極道天莫如無極謂道

言說之道天有極則不威不威則不昭正人無極則不信

不信則不行

政教不明

明王昭天信人以度功地以利之使

信人畏天則度至于極夫天道三人道三

言相方以立教

天有

命有禍有福人有醜有絢有斧鉞以人之醜當天之

命以紼紼當天之福以斧鉞當天之禍六方三述其極

一也不知則不存

一者善之謂也行善不知故也

極命則民墮民墮

則曠命曠命以誠其上則殆於亂

此下六極謂行之極其道殆近極福

則民祿民祿則于善于善則不行

不行善也

極禍則民鬼民

鬼則淫祭淫祭則罷家

罷弊其財且無福也

極醜則民叛民叛則

傷人傷人則不義

民不堪行則叛義也

極賞則民賈其上賈其上

則民無讓無讓則不順

賈賣以功求其賞也

極罰則民多詐多詐

則不忠不忠則無報

上遇其禮不報已終

凡此六者政之始也明

王是故昭命以命之曰大命世罰小命罰身

遺大命則世受罰犯

小命則罰身

福莫大於行義禍莫大於淫祭醜莫大於傷人

賞莫大於信義讓莫大於賈上罰莫大於貪詐

言此六者最大

古之明王奉此六者以牧萬民民用而不失

不失其義撫之

以惠和之以均斂之以哀娛之以樂慎之以禮教之以

藝震之以政動之以事勸之以賞畏之以罰臨之以忠

行之以權

以權行之

權不法忠不忠罰不服賞不從勞事不

震政不成

言行權當有如此時

藝不淫禮有時樂不滿哀不至均

不壹惠不忍人凡此物攘之屬也

事物

惠而不忍人人不

勝害害不如死

害則死闕而猶不知闕

均一則不和哀至則匱樂

滿則荒禮無時則不貴藝淫則害于才政成則不長事

震則寡功

不長言近淺也震而其功寡矣

以賞從勞勞而不至以法從

中則賞賞不必中以權從法則行行不必以知權權以

知微微以知始始以知終

言事勢之相權物理之相致如此也

常訓解第三

天有常性人有常順順在可變性在不改

學能故可變自然故不改

不改可因因在好惡好惡生變變習生常常則生醜醜

命生德

雖有天性可因其好惡以變之明醜所以命之則德生矣

明王於是生政以

正之民生而有習有常以習為常以常為慎民若生于

中習常為常

習常為常如性自然故若生于中也

夫習民乃常為自血氣

始

性本所有而幼小習之若自其氣血生之始也

明王自血氣耳目之習以明

之醜

示之以好惡也

醜明乃樂義樂義乃至上上賢而不窮

謂窮

不省

哀樂不淫民知其至而至于子孫民乃有古古者

因民以順民

皆有經遠之規謂之有古父教子子教孫故曰因也

夫民羣居而無

選為政以始之始之以古終之以古

言政必敬始慎終選行也

行古

志今政之至也政維今法維古

云云

頑貪以凝疑意以兩

平兩以參參伍以權權數以多多難以允允德以慎慎

微以始而敬終乃不困

重明終始之義

困在空誘在王民乃苟

苟乃不明哀樂不時四徵不顯六極不服八政不順九

德有奸九奸不遷萬物不至

告以空導民政之弊

夫禮非剋不承

非樂不竟民是乏生

闕

好惡有四徵喜樂憂哀動之以

則發之以文成之以名行之以化

以中道化之也

六極命聽福

賞禍罰六極不羸

羸謂無常

八政和平八政夫妻父子兄弟

君臣八政不逆九德純恪九德忠信敬剛柔和固貞順

順言曰政順政曰遂遂偽曰奸奸物在目奸聲在耳耳

因有皆疑疑言有樞樞動有和和意無等

等謂差等

萬民無

法

闕

在赦

闕

復在古古者明王奉法以明幽幽王奉

幽以廢法奉則一人也而績功不同

所行相反故也

明王是以

敬微而順分

文酌解第四

民生而有欲有惡有樂有哀有德有則則有九聚德有

五寶哀有四忍樂有三豐惡有二咎欲有一極

廣演其義也

極有七事咎有三尼豐有三頻忍有四教寶有五大聚

有九酌

又數陳也

九酌一取允移人二宗傑以觀三發滯以

正民四貨官以屬五人曰必禮六往來取此七商賈易

資八農人美利九

闕

寵可動

此言所酌為政之事英傑人當親之地也

五大

一大知率謀二大武劔勇三大工賦事四大商行賄五

大農假貸

言之為謀之即恤貧振施者也

四教一守之以信二因親就

年三取戚免枯四樂生身復

就年尊長年也戚近也免枯無忘也

三頻一

曰頻祿質瀆二陰福靈極三留身散真

頻數也散失也

三尼一

除戎咎醜二申親考疏三假時權要

尼是也咎罪也考成也時是也七

事一騰咎信志二援拔瀆謀三聚疑沮事四騰屬威衆

五處寬身降六陵塞勝備七錄兵免戎

騰勝也錄謂不備兵

一極

惟事昌道開蓄伐

言事事皆以忠政行之則吉昌之道開行而征伐之道蓄之也

伐有

三穆七信一幹二御三安十二來

信征伐之道必

三穆一

絕靈破城二筮奇昌為三龜從兆凶

絕神不淫祀也不正而卜雖從而凶

七信一仁之慎散二智之完巧三勇之精富四族之寡

賄五商之淺資六農之少積七貴之爭寵

七者所宜信明之也

一

幹勝權輿

言有權無不與

二御一樹惠不瘥二既用茲憂

瘥巖也以

為已巖也既盡

三安一定居安帑二貢貴得布三刑罪布財十

二來一弓二矢歸射

矢當可用

三輪四輿歸御

言亦可用

五鮑六

魚歸蓄

積以資

七陶八冶歸竈

陶竈善則陶冶長也

九柯十匠歸林

林當作材匠以為用

十一竹十二葦歸時

取之以時所以來人也

三穆七信

一幹二御三安十二來伐道咸布物無不落落物取配

維有永究

落始也類也究終也

急哉後失時

糴匡解第五

成年年穀足賓祭祭以盛

言賓客宗廟足而不儉也

大駟鍾絕服美

義淫

六副後落淫過

皂畜約制餘子務藝

皂廐別名畜則馬放制不常秩餘衆也藝

也樹

宮室城郭修為備供有嘉菜於是日滿

嘉善也為董等也屬滿之

年儉穀不足賓祭以中盛

有黍稷無稻粱

樂唯鍾鼓不服美

有外

祭服內無文飾

三牧五庫補攝

事物相兼不物設也

凡美不修餘子務穡

於是糴秩

糴之令有事按

年饑則勤而不賓舉祭以薄

用下牲也樂

無鍾鼓凡美禁書不早羣車不雕攻兵備不制民利不

淫攻治征當商旅以救窮乏聞隨卿下鬻塾鬻賣分助有匡

以綏無者於是救困大荒有禱無祭饑饉師旅為大荒也國不稱

樂企不滿壑刑罰不修舍用振穹不滿壑不于治地舍用常以振民也君

親巡方卿參告糴餘子倅運開口同食民不藏糧曰有

匡倅副也盡行此事名曰有匡也裨民畜唯牛羊於民大疾惑殺一人

無赦雖有凶疾惑而相殺者不赦也男守疆戎禁不出五庫不膳喪禮

無度察以薄資戎事自守闕征伐也察儉也而速喪察用禮無樂宮

不悻嫁娶不以時賓旅設位有賜

不以時會

秋冬也媒氏合之賓旅隨

位賜之

不錫燕

逸周書卷一